

*Electo Orator al Serenissimo re
d' Ingalterra.*

Sier Lodovico Falier, qu. sier Thomado	113. 99
Sier Marco Contarini, fo camerlengo di Comun, qu. sier Zacaria el cavalier	99.108
† Sier Marco Antonio Venier el dotor, provedador sora i Officii, qu. sier Francesco el procurator	126. 79
Sier Lunardo Venier, fo auditor vechio, di sier Moixè	57.146
Sier Marco Gradenigo el dotor, fo di Pre- gadi, qu. sier Bortolo	65.145
Sier Lorenzo di Prioli qu. sier Alvise, qu. sier Nicolò	78.126
Sier Zuan Basadona el dotor, fo di Pre- gadi, di sier Andrea	80.129
Sier Carlo Capello, fo auditor nuovo, qu. sier Francesco el cavalier	73.133
Sier Francesco Morexini el dotor, qu. sier Cabriel	65.138
Sier Andrea di Prioli el dotor, qu. sier Piero	63.139
Sier Silvestro Memo, fo a le Raxon no- ve, de sier Michiel	73.140
Sier Mafio Lion, fo avogador di comun, qu. sier Lodovico	104.109
Sier Agustin da cha' da Pexaro, fo au- ditor novo, qu. sier Andrea	75.132
Sier Hironimo Polani el dotor, fo di Pregadi, qu. sier Jacomo	86.129
Sier Marco Antonio Grimani di sier Francesco	65.147
Sier Nicolò da Ponte el dotor, fo di Pregadi	80.134
Sier Anzolo Gabriel qu. sier Silvestro .	80.131
Sier Bertuzi Soranzo, fo auditor vechio, qu. sier Hironimo	77.134

32* *A dì 16.* La mattina vene in Colegio sier Polo Contarini qu sier Francesco, con uno zovene vestito a la turchescha, dicendo come fu preso con la moglie gravida da turchi a lo infelice caso di la perdeda di . . . , et uno turco tolse per moglie dita sua moglie, qual parturì questo fiol, et diventato poi gran homo, et fo mandato a la impresa di la Soria e fece altri fioli con dita sua moglie, morto ch'el fu, essa sua moglie col fiol nato da lui è venuta di qui, licet lui si fusse maridato. Per tanto richiedeva fosse provato zentilhomo, volendo far zurar la le-

gitima etc. Et fo comesso a li Avogadori, ai qual aspecta questa cossa, et cussi tolto le justification, lo scrisseno per nobile a la balota.

Vene l' orator di Hongaria per compir la sua expedition, et ordinato farli dar li ducati 3000 contadi e le robe, et farli la partida in Banco dil resto e si fazi la quietazion.

Vene *etiam* con lui lo episcopo di Scardona come nontio pontificio, dicendo vol

Dil Governador nostro fo letere di Chiari, di 14. Con avisi di Milan e altre occorentie, e la perdita dil regno di Navara.

Di sier Polo Nani capitano di Bergamo da Chiari. Scrive *ut supra*.

Di Verona e altri rectori fono letere. De occurentiis.

Da poi disnar, fo audientia publica in Sala di pasti, et li Savii steteno daspersi a consultar et atender ad expedir li contestabeli per far li 3000 fanti presi di far.

In questa matina, il reverendissimo cardinal Grimani vene a disnar a palazzo col Serenissimo suo padre, et disnono loro do in camera a una tavoleta, poi in tinello disnò il Patriarcha di Aquileja Grimani, lo episcopo di Bafo Pexaro, et altri venuti con sua signoria reverendissima, e lo episcopo di Ceneda.

A dì 17, fo Santa Marina. El Principe, con 33 manto di raso cremexin, col bavaro di armelini, e li oratori Papa, Franza, Hongaria, Ferara et Mantoa, e il prior di San Zuane di Furlani. Portò la spada sier Antonio da cha' da Pexaro, va podestà et capitano a Trevixo, vestito di veludo alto e basso cremesin. Fo suo compagno sier Marin Morexini, è di Pregadi, qu. sier Piero, in damaschin cremesin. Erano 5 Procuratori con la Signoria, Trun, Trevixan, Molin, Griti et Pixani, et do fioli fo dil Serenissimo, sier Lunardo Mozenigo e sier Gregorio Barbarigo, e altri deputati, et zercha 10 che non è ubligati et 4 come parenti dil Doxe: sier Sabastian Contarini el cavalier, sier Marin Grimani, sier Francesco Grimani et sier Domenego Ruzini. E con le cerimonie, stendardi, umbrele, cussini, cariega, cierio et spada, che zà anni non è stà più portada per la impotentia dil Doxe passato che non poteva caminar, si andò a dir terza a Santa Marina, perchè in tal zorno si recuperò Padoa, dove li è il suo corpo, *etiam* è sepolto missier Michiel Steno doxe nel tempo del qual dil 1405 si ave la città di Padoa et di Verona etc. Si andò per Caselleria e si tornò per San Zulian e Marzaria. La chiesa ben conzata; e ne l' usir, perchè si va con li preti e canonici di san Marco, croce et do-